

近代詩鈔



近代詩鈔

翁同龢



同龢字叔平江蘇常熟人咸豐丙辰狀元官至戶部尙書協辦大學士致仕薨諡文恭有瓶廬詩稿八卷詩鈔四卷

石遺室詩話瓶廬相國詩清雋無俗韻獲譴歸里閉門思過所作不但怨而不怒卽怨亦希惟其音自悲耳絕筆一首其明證也集中題書畫碑帖之作十居六七往往有小序及自注攷據精審多存軼事句如醉裏索詩期火速老來涉筆愧平鋪綠章夜告緣何事銀燭高燒爲底忙一官豈敵秀才好萬事不如年少時閒話老農皆執友比鄰童稚卽兒孫厭看細字新聞報怕作連篇

和韻詩則又香山誠齋之體矣

小遊仙十首

昨夜天書下九重羣仙都住蕊珠宮
文昌原屬三能職何事傳宣南極翁

細挹瓊漿鍊紫霞殷勤種得碧桃花
天風一夜都吹盡卻落尋常道士家

仙家例種玉爲田歲歲璫枝貢九天
不道近來雞犬惡靈苗踏盡草芊芊

霧閣雲窗事渺冥蛾眉無計學娉婷
姮娥畢竟人間樣怎比銀河織女星

石室丹鑪不計年冷雲枯木尙依然
一雙青鳥前生福竊得殘脂竟上天

託根端要傍瑤臺未必仙姿勝衆材祇爲玉皇親手種大家推
作百花魁

豈有青藜照石渠談經劉向竟何如神仙不喜琅環字錯寫天
官玉葉書

不繫腰纏跨鶴還揚州無處是家山桃花開遍青溪路要遣漁
人去叩關

聞道湘君下洞庭蜺旌翠蓋霧冥冥數聲霹靂天胡舞斬取毒
龍江水腥

閨風妙圃劇清涼不願升天便退藏留取世間真道德看人搯
腕獻奇方

題王蓉洲丈藏宋揚麻姑仙壇記

顏公眞書變小篆窮極開闔含剛柔仙壇大字傳本少而此細

楷尤難求子固作詩歎小缺後先著錄陸與歐春雷轟殘吏橐
去縱有妙蹟誰能收西臺嗜書得顏髓獲此片楮珍琳璆較量
銖黍妙分布刻畫絲髮煩雕鏤纖纖旁舒蚊脚趙落落外裏薑
尾鉤橫空真氣不易到不獨波磔中鋒迺南城圖經今寂寞遺
壇半圯杉松稠玄宗好奇感神迹天寶五載開靈湫是時東京
盛羅綺雲窗霧閣通綢繆驪龍已睡猿鶴歎文字雖好江山愁
麻源水深不可涉丹霞洞壑阻且修公書此碑亦何意會知日
月如奔流蓬萊方丈彈指變惟有忠孝垂千秋小齋夜寒燭花
炮摩挲翠琬春雲浮容翁周容已矣何子貞蝮叟去前輩墨緣聚散
波中漚卻題此詩三歎息公乎千載真悠悠

題宋揭汝刻十卷一册
彙中丞藏

潭絳臨江外巋然此刻真古香南宋揭殘字北齊人第八卷齊
樊遜書選

匾字此揭尚可辨乃北齊樊退乃從勃後汝所行偽絳星官本藏書髓

衙齋賸石鱗汝石殘者國初在辟邪天祿字瑣屑漫重陳內帖

州宗輔資石獸四字乃

我家蕩陰本七世祖鬱野公得古揚汝後失於湯銷盡劫餘灰城

郭猶全改籤廚忍再開漁梁久塵土帖有巴梁人也蟬藻亦蒿

萊此本舊藏新安誰寫通仙象無端易畫來葉東卿嘗以宋人

四帖前卷

贈吳儒卿鴻繪時余將入都

故人惜遠別索我一幅書我書雖不工點畫頗有餘重是故人
意抽毫復躊躇墨池忽放光照我眉與鬚天地久衰颯儻容亦
瞿瞿嗟我四十五髮白已蕭疎卻更三數年豈不委壑渠恐傷
故人心對書長歛歔還君白雪牋鄭重當何如

近代詩鈔 翁同龢

我衰不足陳子老亦可信頽然一叟翁顏色爲我變勸我及秋
行要得數相見嗚呼遊子心一日幾回旋裝我篋中書書斷不
成卷檢我篋中衣衣綻誰與縫日月固有時哀哉亦旣練平生
輕別離有淚常默嚙惟有告墓辭百靈共悽戀

山中感懷用守默庵偶成韻

又逢草長與鶯飛頓憶江南白板扉尙父湖邊春盎盎仲雍墓
下碧巍巍賣文不屑千端絹學易惟期三絕韋惆悵欲歸歸未
得九原何以答春暉

七月四日與子松招沐生子禾至後湖觀荷沐生有詩次

韻奉答時將南還

詞源三峽涌波濤走送頻頻侍史勞書與詩人俱不老花如名
士自然高尋芳最喜同攜屐弄水還應淺著篙默數鬢絲長歎

息近來退盡筆鋒豪

輕衫團扇午風涼可惜烏篷漏日光萬事盡如秋在水幾人能

識靜中香對拈險韻真詩將解納清流亦谷王此地舊名縱使

化身千萬億可容湖海恣徜徉

西涯種竹憶名流蝦菜亭邊煙雨收小幅詩龕諸老筆梧門學士卜築

西涯寫詩龕圖寄意高牙畫舫古時秋元時舟楫最盛好花依舊開

千頃歸客無因卜再遊一笑去來渾不定平生蹤跡等沙鷗

題趙粹甫同年醇邸贈詩卷子

我愛京江好官廨萬疊青山展圖畫又愛五茸古縣城野梅修

竹門巷清君從兩地作太守不負玉堂著書手九年袍笏強低

顏萬戶衣襦笑開口長安八月天未秋輕雷急雨滯客轉忽然

見君泥土裏特索新詩為破愁新詩頻年有諾責珠玉當前重

名迹已除三館舊巢痕漫說諸侯老賓客吁嗟塵寰鳳與麟賢
王亦是澹蕩人鑿池引流天下雨種花畦菜江南春聞道長篇
更矜鍊憶君重君不敢見要知書史費評量不是山林奉遊讌
津沽行人西北風織蘿不動旭景紅飛輪之舟古未有况有寶
氣騰長虹焦山老僧與君約一指機鋒已輸却他時旌節徧東
南此卷應留枕江閣

焦山有
枕江樓

題法源寺方丈靜涵和尚小照

呂梁山下路漫漫戲馬臺前白月寒

和尙徐州人與
協揆李公善

佛印舊稱

蘇子客苒溪偶襲玉琳官搬磚弄瓦談何易秉拂開堂事大難
我不識師師識我任他翻轉倒來看

城南大刹今無幾每遇芳時到一回臘粥齋廚尋畫去

傳要三
十二相

春燈廊廡摸碑來

唐碑

塵中亦有江湖趣世上原無島可才留

得青松紅杏句畫圖長爲智公開

在青崇松紅杏卷智機所留今
效寺余爲之重裝

題程樂庵水部藏石谷畫卷

圖爲在慈先生作其郎君梓材囑耕煙畫不三日而化
去故圖以歸其尊人寄挂劍之意云云

我本東南人知解囿一方談詩與論畫不出吳越疆國初推畫
宗婁東有三王吾虞耕煙翁秀起稱雁行耕煙與麓臺同時相
迴翔麓臺簡而古耕煙密而蒼我重麓臺畫筆勢中鋒藏亦頗
愛耕煙精思入微茫一登來青閣再上清暉堂徧識其雲仍得
傾縑素囊長安紅塵中覩此水曹郎炯然一瘦鶴眸子清而光
我忝爲長官性不耐鞿韁金魚換破紙相遇陳思坊示我一幅
圖烹茶爲評量飛泉豈無根雜樹儼生香圖中數行字感歎人
琴亡觸我失子痛清淚流淋浪君看耕煙翁脫身富貴場吳閩

暫棲泊一諾千金償男兒重氣節淺語毋相忘我豈知畫者詩
又非所長特與耕煙翁舊廬鬱相望對君長歎息荒我湖田莊

次韻殷譜經前輩適園飲餞

疾風三日黃埃飛海棠落盡春已歸登高極目愴我臆何況送
客增悽其白駒已駕不可維祇有妙語相追貽玉堂金馬一場
夢歸來荒徑皆茅茨公之新居亦復佳有琴有書朝夕斯隔牆
醉呼潘太師潘公作相三十載牛行宅第長乖離公亦出入鳳
凰池三度京兆玉尺持其間籜節東西馳風霆獨立屹不懼霽
顏却荷先皇慈至今疏稿播海外侏儻鞬象猶然疑適園春物
何芳菲有酒滑我斟酌之柳條淡宕東風吹我已自歎白髮稀
况公梨顏胡不衰三天舊事不忍說賤子安敢贊一辭澄懷巢
痕先人栖親見道光中葉時神龍在潛氣沖穆天語簡默精覃

思國家景運開重熙螽斯詵詵行可期書齋架燹家法在如公
坐講多所裨惜哉此願今已違徒令後進生吁噓此則莊語非
諧嬉公今引年豈病痲漢陰灌園且息機祝公明年當再來卽
不再來亦甚樂四海識公霜鬢絲平生事君志勿欺進無所希
退奚悲長安一笑獨向西爨飢不厭衡門低得閒還補金鑿詩
詩成寄我江南枝適園一夕德星聚吳門千里城郭非何時更
侍歐陽卮

出宿一舍回首黯然

風帆一片傍山行滾滾長江瀉不平傳語蛟龍莫作怪老夫慣
聽怒濤聲

彰義門外南泡子荷花最繁子密作圖乃名寶泉河題奉

一笑

巴溝荷花比隱士走馬來尋泥沒趾南泡荷花如酒狂唐突游
人倚窗几巴溝不及南泡幽但有荷花皆可喜彰義門西古城
角傑閣無名就傾圮袁公侍小午作堂我題楹愛此清冷半灣水
後來裙屐日喧闐我亦罷游經一紀錢公觥觥吾輩人不樂紛
華樂貧仕乍晴急雨偶然耳偏有長歌詫新美新圖題作寶泉
河令我推尋肚畫指譬如熟客換生名對面相看尙疑似今年
閏月熱頗早已有青錢點溪涘公今不惜酒杯勤我亦重游續
前軌蓬萊方丈五雲間白舫烏篷照金紫西江千頃未足談何
况區區南泡子

題恭聲雲

鑑

蕪湖送別圖

聞道霜臺使鋒車號令宣頻裁雒陽賈頗治潁川田摹帖量官
燭葉書損俸錢平生豪宕氣肯泛五湖船

斗絕鳩茲縣雙磯我所經躉船高過屋鐙塔亂於星此二事西人新立

關卡人聲雜魚鹽市氣腥可憐江渚月高詠竟誰聽

屬爾一樽酒衡門且息紛岑參好兄弟李廣舊將軍君兄振方夔

疾在告 並轡尋春晚連牀話夜分行藏吾道在此事總浮雲

題徐鐵孫年丈榮詩縣令圖為其孫石甫農部

落落斜行墨未乾相公真不厭酸寒阮太傅書札呼丈為禮堂

弟子掣經手却費千言釋縣官卷內有作縣令解義者

亂鴉灌木擁祠門丈建於漁亭戰過客來尋碧血痕自古詩人本

忠孝九歌第一國殤魂

後生未及拜詞豪喜見孫枝百尺高海內盡知詩縣令更無人

識冷倉曹石甫名麟光戶部督郎

遊西山見寶竹坡題名因書其後

袞袞中朝彥何人第一流蒼茫萬言疏悱惻五湖舟直諫吾終
敬長貧爾豈愁何時楓葉下同醉萬山秋

乙酉三月當塗人於龍山麓得古墓有鐙檠瓦缶數物殘
碑孟字可辨一時傅會爲孟嘉墓物既散失碑無拓本頌

閣侍郎得殘甃有文曰鳳皇三是爲孫吳時墓安得云孟
嘉哉侍郎以拓本見貽題三詩於後侍郎贈余一瓦豕白
質無釉古拙可愛

江東王氣已成煙石印銀符總可憐或者蘭臺東觀令低顏竟
刻鳳皇甄

試院重門日日扃隔城愁見遠山青何緣覓得孫吳鳳壓倒南
朝瘞鶴銘

紛紛傅會不須論冷笑西風落帽痕姑熟龍山有孟
萬年落帽石一字殘碑

何處訪亂雲黃葉孟家村

題白陽山人畫冊

空中無色色原空妙具清涼十種風去年夢領略白陽真意思

千秋只有馬寒中馬思贊字寒中一字南樓海甯人善畫蟲鳥亦能山水精篆刻其弟翼贊字寒將畫筆秀

潤有寶穎堂詩集雍正中名流也此冊有寒中印漫記之

徐小雲侍郎屬題湯貞愍三檜圖圖為千波徵君作蓋祝其七十壽者

姓名未肯挂朝紳第一清才是隱淪繙遍江湖高士集千波渺

渺爾何人千波徵君竟未詳姓氏

題伯寅藏瘞鶴銘精搨本華亭華字露大牛襄字藏乎字皆有大

多事良常寫作圖較量分寸失名姝江潮洗出碑趺字自古文

人考證疎

殘畫封薶古墓邊蕭梁碑錄漫重編莫子偲近誰能沈石空江

底留與中冷證墨緣

近代詩鈔 翁同龢

蜃氣連雲草樹深此山無地瘞仙禽裏氈煮墨尋僧話銷盡江

南獨客心

余於戊辰冬泊舟焦麓風景殊異江山淒然

策馬獨遊花之寺看海棠

朝回日日西山暮火急尋春春已殘裝點不成泥塑像短衣飛

鞞太無端

乾嘉以後詞流盡莫問城南掌故花

詞流百輩花間盡此是宣南掌故花近人興墜人海

棠詩也

賸有老舫詩句在斷縑殘字補窗紗

湛然清絕穎沙彌眉宇中含一段奇乞與天龍瓶鉢水要渠洗

盡海棠詩

伯寅賃酒家屋同居次前韻

朝回日日阻輕車喧雜軒窗衆所於小吏漫欺曹相國鄰人解
愛畢尚書偶談天寶中年事頓憶澄懷舊直廬聞道蒿萊侵浴

殿更無人問玉泉墟

題潘伯寅萬柳堂補柳圖

平橋流水古城隅，廉相園林迹已蕪。不信此堂真萬柳，且看我

輦第三圖

朱野雲有訪柳補柳二圖

朱陳修禊頻來往，翁阮題詩今有無。最

憶蕭山觴客處，短轅輕杖路人扶。

己酉春夏屢陪湯文端公游譙於此

長條斫後換新枝，要插樊籬好護持。萬事盡如栽柳法，一官難

得看花時

君方左翰林

琴樽小集人還健，裘帽來遊我已遲。不用

張羅且沈醉，問誰能解鄭奩詩。

金城圖廣紹彭總憲屬題

康熙丙子高郵被水州牧金君晝夜禦水城得以完一

時題者皆名人

南臺使星照東井，十日留侍禁省

總憲方奉使入蜀

臨行示我一丈

圖中有波濤聲萬頃作圖者誰金大夫築城捍水忘其軀吏民
并命蛟龍避儀觀長留名字無康熙初元河患始鑿輅巡方親
蒞止微禹疇成萬世功當堯亦有頻年水是時治河推靳公中
河創論才力雄惜哉高堰東西決竟使淮流南北通淮流本有
淘沙力爭奈黃流日相逼藉使重堤果築完誰云清口無淤塞

丙子乃三十六年靳公之沒一從倒塘輓運艱洪湖吞吐荆塗
久矣此不過推本言之耳

山并將三十六陂水蓄入淮揚徐府間近來羣公習河事曾馬

張丁互諮議三策平生笑腐儒一言深契欽賢吏余嘗遇馬端
敏公於寶應

湖時公言治淮
黃必先導嗟余屢躡過江舟獨客難為借箸籌閒吟甃社隄

邊月冷嘯淮陰市上秋披圖不覺驚心魄况有遺詩珍手澤西

舫淒涼池館荒北邙迢遞雲山隔卷有先公題詩辛
卯作於澄懷直廬南臺直節

古名卿鄭重題詩為贈行風塵才俊知多少要使輜軒達姓名

登盤山

松是奇蹤石大觀
松容石氣兩迷漫
人言雲海黃山勝
我作天
平鄧尉看
天平山萬石皆立
蛻甲虬龍隨地活
應聲琴筑一時彈
狂遊
不覺衣裘薄
來趁長風雪
後寒

次韻段家嶺茅舍小憩

吾家亦有逍遙谷
粗具葵糜與菜羹
雨後種松雙屐滑
門前放
鴨一舟橫
書如亂石紛披疊
心比重湖浩蕩平
却向天圖一棖
觸江南何處是歸程

次韻易州道中

五回山色似相招
二易迴環去路遙
地近神皋春氣早
人多奇
傑酒懷驕
試看來往詩千首
誰寫荒寒水一條
七字果然推絕
唱至今風力尙蕭蕭
原詩中語

次韻荆軻山

燕都南北三千里况有屏藩趙在前既得客卿精劍術故應上
將屬兵權一時決策皆成錯數語登車絕可憐衍水竟誅遼薊
拔諸臣何以塞前愆

一語應爲客解嘲酒人燕市本無聊白衣祖道謀先洩翠袖當
歌氣已消駿馬不留千里骨虎狼終輟九賓朝博浪狙擊終何
用底事無人議圯橋

山居養疴用簡園卽事韻

斗室聊爲安樂窩袁絲日飲亦亡何天涯感慨夏畦鬼世事粗
疎春夢婆花似新詩渾覺懶山如名士未能多束書閣筆嗟何
益墨不磨人人自磨

次韻醇邸見示之作

獨客中年惜景光好春無奈太匆忙似聞鷓鴣驚遲暮忍見蘅
燕委衆芳燕若有情營舊壘鹿應無夢戀空場東華門巷清如
水稚柳新槐漸送涼

醉裏題詩醒已無風塵倦眼暫時舒豈知少伯旗亭句識是君

謨小閣書頽腕祇宜施聖帚高歌漫許附蘧廬

煙郊一壁未著
款邸一見卽識

之小蘧廬簡
園亭名也

青絲伏櫪增惆悵一顧鹽車信有諸

題張雨生北墅主客圖

此卷度余篋中三年矣丙戌雨生解黃絲來京師相見
甚懽然未嘗索及此也歲暮檢書忽得之既念良友合
并之難復感雨生不索之意因盡和卷中三詩一懷亡
友一寄次公最後一首乃與雨生相酬答耳

今歲忽已過來歲又逢閏嗚呼三閏中人事太飄迅悠悠我之

思耿耿如疾疢此語當告誰何苦相問訊墓銘三千字一揮吾
弗吝譬如籠中鶴悲吭有時振惜乎塵埃中得此時亦僅世人
不識我疑我筆頭愴嗟嗟楊夫子夙昔我交親白頭早汗青短

暑敢閑趁

謂潦叟墓銘
久而未就

昨得山中書次公苦肺疾戒酒與學佛兩事并蕭瑟我今習跪
拜真氣入腰膝轉輪朝三三繞塔夜七七雖然骨髓枯健步固
無匹平生故人心苦語要規切養身如養兒一事莫輕率凌霄
亦已花娑羅亦已實勤沽北市酒此景不可失慎汝醫與藥餉

我棗與栗期我三年歸今年歲丙戌

寄次公

張君淡蕩人於俗百無適城南整握手今夕是何夕藏君詩與
畫三載負諾責對面不索還此意真莫逆我生如寄耳風斷雁
行隻緬思十年事時日歎虛擲匡衡不抗疏賈生未前席矻矻

老蠹魚依依守故籍君看北墅游俯仰已陳迹能來守歲否就

我東華宅

贈雨生

重題章侯畫博古牌刻本次前韻

己丑二月九日得章侯爲豫和尙畫八葉喜而賦此

吳山道觀有遺臣白髮黃冠畫裏身忘事已多緇閱嬾不知老
豫是何人

題祝枝山書樊毅碑華山碑

世間狂草興臺耳沖淡方知骨格清卻笑翁林工論斷漫將閑

素擬先生

虛舟論書不滿於祝京兆謂爲骨氣未清

延熹尙有流傳本樊氏三碑一字無申國西南有謝水莫教錯

認射陽湖

此樊毅碑云謝陽侯之孫足訂范書樊丹封射陽侯之誤

佛圖一卷無從問幸有夷堅兩志留悟得書家篆分意縱橫排

近代詩鈔

翁同龢

十一

比總庸流

余家藏有京兆小楷佛圖澄一傳精妙無匹今失之矣復收得小楷夷堅志一卷成邱舊物

題精拓褚雁塔聖教序記為徐筱雲少宰

韓勅分書細入絲褚公書勢遠相師誰將飛鳥依人語錯擬棧

棧諫諍姿

薛書信行禪師記源自龍門雁塔來

余藏宋拓薛稷書信行禪師碑人間孤本與龍門三

龍絕相似

不遇君家蟬翼拓尚令買褚費疑猜

唐買褚得薛人語也

書生呢古太無端細字頻將牘背看是時官帖籤乃明省識籤題為

公兆籐花廳底注千官

題徐頌閣尚書

鄒收舊拓乙瑛碑奚林和尚藏本釋成樽

字奚林諸城人能書工隸見山左詩鈔池北偶談載荆庵

贈奚林一詩蓋國初名僧也此本魯珍跋中奚下缺字細

審是林字因拈出之

奚公石墨填禿窟
叟重將真面開
何女子真得石門頌張
會見

蕩陰君表頌走歸竹影研齋來
碑據竹影奚公頌尚張齋名

點金磨鐵百無成一字何勞考核精
碑謂中
禮器後碑吾未信

曝書亭集本分明
竹塔跋之乙庚與韓勅前後兩碑並列且詳著

伯巖祭酒之言吾不謂然

題志伯愚鏡仲魯鈞兄弟同聽秋聲第二圖

和林秋風起何處不入江南萬行樹
江南亦自有秋聲
槭槭蕭

蕭苦征戍廿年離合亦常事
萬種悲歡難共喻
時伯愚在北
大

園洪鈞覆萬物獨以金天妙陶鑄
或愉或戚或蕭散或託歌詞

或騷賦老夫平生無不可到處安
閑欣所遇曾從華頂作重九

又向秋江問官渡今年忽掃舊巢痕
徑往鄉關守祠墓計惟仲

子當一見車馬江干勞小駐
伯兮開府渺天北瀚海黃沙隔煙

霧渥注名馬已分贈闕特勤碑書莫附古來秋士重堅節肯爲
浮名感遲暮君看獨鶴與大鵬豈願啁啾一方聚不然坡穎好
連床何事梧桐秋雨句題詩相勸兼自勵明日飛輪指歸路

題明拓乙瑛碑殘本

戊戌六月廿有七日苦熱小極子恒姪孫以殘本乙瑛

碑見餉漫題二詩

尙書珍祕奚林本

徐頌閣得乙瑛

賈客徒誇鰈研藏

復齋名也

今年見所收舊本

自笑寒酸老居士摩挲殘墨抱餘香

聖道榛蕪異學鳴通經猶有魯諸生如何屢著司空戒轉使臣

蘇佚姓名

碑佚數葉遂使孔蘇名不見趙戒阿附梁冀者也

春申舟次偶成

春申浦畔子胥祠正是山寒木落時四裔竟將魑魅禦寸衷尙

有鬼神知老韓合傳誰能辨劉李同官莫漫疑此去閉門空谷裏會須讀易更言詩

題自畫攜碑訪舊圖

戊戌十一月峴懷太史過我塔下山房以古拓數種見示張公方碑蘇齋舊藏也前後三圖精妙無比因補此圖於余鈎刊本後以志墨緣

塔鈴報我有良朋客未敲門我已磨看徧米家虹月舫不知老眼怯寒鐙

石墨樓儲隻字無每逢題識手重摹江鄉一段酸寒景誰補攜碑第四圖

疊前韻題陳章侯博古牌刻本

被髮行吟楚大夫不堪羸病恕狂奴篋中圖畫都捐盡賣到長

江萬里圖

石谷此圖余所珍
近亦付常賣家

讀宋史

商英邪說攻元祐鄭相中宮有奧援千古文忠與文正易名一事竟誰論

爲孫駕航

楫

題崑崙關題壁圖卽送其之湘臬任

邕州山水天下靈桂勝所紀我熟聆眼光射過古林邑嗟五銅柱誰爲銘橫山西來壓郡庭勢如奔馬鞚不停崑崙突起屹相向棧木削鐵天門扃彼儂者氏蟠隩陁狄宣徽始通車輪蠻花自紅月自白峒谿常碧山常青繡衣使君飽六經廿年懶泛珠江舩登高望遠斐有作欲令文字湔餘腥節華翩翩朝帝廷畫圖入篋留真形徵詩到我謂我健豈知詞筆今彫零我欲貽君雙玉瓶夜涼共話囊底廳

萊新

山居

平生氣誼竹林彥萬里蹤跡秋

江萍沅湘無波杜若馨神女鼓瑟魚龍聽三關回首在何許斗
南早釋天弧星

題徐榕全郿藏錢南園畫老馬

杜陵數徧唐畫馬曹韓而下服者寡本朝名手多如雲金吉金
奇錢秀雅錢公立朝氣諤諤南廬夜直衣裘薄聖明豈肯斥諫
臣當軸難辭下流惡錢公書體迥出塵落筆欲與平原親橫平
豎直立根柢中有浩氣盤輪囷江山澄鮮勢清雄以書入畫畫
益工尤工鐵鎖寫駿骨十幅百幅無一同榕全寶此瘦馬圖旁
人頗笑君怪迂我知君意固有在龍麟自愛千金雛君嘗許我
弗我予張君未請輒先許樵野贈我病馬相仿兩君一謹一豪逸我
居其間孰齊楚今我老孀久廢詩喜見初雪點墨池摩挲絹素
漫嗟賞多少驂騑今立仗

次韻劉石香寄懷二首

劉有寄漚書巢圖取楞嚴空生大覺中如海一漚發之
義

平生六鑿溷天游文囿名場亦暫留江上偶然餘一禿世人猶
自說三劉薄寒正蠟尋山屐夜雨偏回泛剡舟萬衆天涯同悵
望豈容宋玉獨悲秋

一漚一發一如來處處圓明性地開難得甘黃攀下澤莫因寒
拾鈍天台尖風冷月無邊相瘦竹孤花未易才山鳥不知吟嘯
事看人開卷輒疑猜

衡門

衡門之下可棲遲眞覺江村事事宜巢燕居然分主客井竈自
解辨官私借隄曬網漁家傲分竈燒松稚子飢信口獨吟還獨

笑近來詩句已無奇

題何媛叟書洞庭春色賦

東洲居士好寫此賦余見數本而訛字不免此趙坡生以贈之廉者也

竟致黃甘三百顆豈同烏有一先生東坡醉後忽長嘯欲把西

湖變洞庭

謂潁州西湖

題戴文節畫扇

愈澀愈生筆愈靈當年妙語我曾聆

先生論畫如此

可憐十月江南景

一角殘山分外青

題蔣文肅畫花卉卷

矮紙曾題字數行旁人怪我語蒼涼湖山自是幽人福漫與前

賢並較量

戊戌二月得公畫卷與此適同余詩有榮枯開落原無定才了官書已白頭之句逾四月放歸若爲之兆

舟中卽事

來往輕帆整復斜
 疎籬破屋兩三家
 微風不動石楠樹
 積雨徧開油菜花
 間學漁歌真漫浪
 偶詢米價一咨嗟
奇時昂 江湖晚飯知多少
 底事投林急暮鴉

東澗老人墓

秋水堂安在荒涼有墓田
孤墳我如是

東墓與河

獨樹古君遷

一梯

尙是舊物

題碣誰摹宋

碑字集

居人尙姓錢
爭來問遺事
欲說轉淒然

山居偶吟

偶因放逐得安閑
 總計平生仕隱間
 老不廢書聊識字
 貧猶築屋爲看山
 芒鞋竹杖常行樂
 社酒村歌一破顏
 願祝太平今日

始近來朝報滿人寰

題費西蠡歸牧圖便面

願畫

趁齋奇字何人識歸牧新圖我尙疑籥口鍵精緣底事十年冷
卻鳳皇池

碑版圖書古鼎罇一龕斗大隘乾坤桃花隴裏清溪水可許扁
舟直到門

鶴廬小隱畫中禪不獨人傳畫亦傳風雨閉門太蕭瑟會添一
鶴兩詩仙

題徐鐵生遺象

鐵生善畫梅庚申在
浙江鹽縣任內殉難

落落斜行墨未乾相公眞不厭酸寒禮堂弟子研經手却費千
言釋縣官

亂鴉灌木擁祠門過客來尋碧血痕自古詩人本忠孝九譎第

近代詩鈔

翁同龢

十七

一國殤魂

臨吳漁山真跡

丁丑七月有攜此卷來者見之驚喜曰此救虎閣中物也價昂不能得剪鐙臨之並系短句

齊女山頭劫火紅殿門零落講堂空漁山三絕詩書畫猶使人閒說默公

二百年來有後生廟堂拜疏乞歸耕尖風涼雨秋如此誰識挑鐙作畫情

戊寅四月聞雨生兄得請開缺喜而作詩奉寄

儒林文苑今有幾丁公崛起南海濱世人皆欲殺李白一第竟未汗元稹藏書鑒畫妙無匹鋤豪芟伏疑有神可憐百萬溝中瘠尙待閉門臥病人南海北海風馬牛吁嗟吾與丁潮州白頭

聽青瓊丙瘞黃茅秋築亭寫象苦相憶燒燭賦詩聊寄愁安知
會合不可再滄溟來往同扁舟

臨倪文正畫二絕句

戊寅十二月十日

倪文正公橫幅末署壬午冬寫案壬午爲崇禎十五年
是時公年四十九公旣以言事爲烏程相國所忌落職
閒住至十五年九月起兵部侍郎明年抵都拜戶部尙
書作此畫時正在拜命之後啓行之先也最後書四十
初度詩四首蓋補錄十年前作今余年亦四十有九悲
公之志臨其畫并系以詩

要典焚殘士路清一篇黨論太分明相公煞費推擠力破帽騎
驢了此生

逐客偏蒙詔語溫論兵籌餉已無門蕭寥數筆雲林畫中有憂

近代詩鈔

翁同龢

十八

時血淚痕

辛巳二月過澹齋先生邸舍承贈詩扇依韻奉酬

春星如月雪風涼客話無多別意長暖閣矮屏傳燭早官廚行
竈煮棗香小詩漫試凌雲手淺酒聊寬吸海腸極目博桑青未

了萬波聲裏百靈藏萬萬波也

廿五年前首重迴天涯蹤跡各驚哈何期彭澤先生柳尚寄江

南驛使梅令弟蓮齋吾故人也壽骨君家生有種笑顏塵世若

為開蓬蒿門巷清如水莫訝雞林舊雨來

雜著三首 錄一

孤軍誓死闔城知噉盡鞋材與鼓皮幸有昌黎青史筆尙憐南

八乞師時先兄守壽時二百
里外有擁重兵者

濱石楊先生余執友也已丑七月余假歸省墓比至而先

生歿已七日拜瞻遺像詩以哭之

天風送我歸七日飈輪馳奈何故人面靳此須臾期入門一長
號瓦燈映練帷更讀別友詩令我摧肝脾嗚呼我與君交情同
漆纒我氣盛如雲君慮密於絲持此兩相濟亦用相箴規君爲
文章伯出入鳳凰池至今禁扁字照耀三殿楣我忝講讀官謬
領金穀司耽耽千柱宮縛蒿豈能支昨來西山廬倦鳥一脫羈
小牕對好山楸欄綠差差君兮翩然來照見鬚與眉十年不見
君玉色何豐頤我有望溪文亦有東洲詩更有千萬端就君決
然疑君胡不一言慰我無窮思大化自旦暮乾坤尙瘡痍嗚呼
我與君生死從此辭

己丑秋

同蘇

暫假歸里同人觴之於虛霏園蓋曾氏之園

也明年春君表比部奉其曾祖勉耘公歸耕圖遺象求

題敬次先公詩韻二首君表將歸卽以送之

十載不歸田感感軫寢想歸來三十日此願亦虛枉故人知我
歸雞黍集親邨側聞二老閣尙有舊題榜湖天固無恙筦鑰今
誰掌二老閣爲二曾先生讀書處今曾氏別支居之同濟兄弟行無復吾師丈近聞多
漏略况迺溯疇曩廓園秋荷花零落獨矜賞却思百年事敬嘆
雜怙快吾祖潛虛公一官適蒼莽同時二曾子勉庭公笙磬答
幽響宦輓分海角古誼在天壤惜乎南豐圖未寫叔茂象還朝
得展拜余齒嗟已長便擬速歸耕湖田數來往

古人守一官患澤不及民今人愛官職惟思富倉困苟無匡時
志朝野理亦均辛峯有大雲醞釀無邊春追蹤陶子師與翁七

世祖上杭府君

施教雒及閩融融化梟鳳蕩蕩平畦畛君看秋水園

伊墨

生卿先

題詩墨猶新上言操守潔下言吏職勤部民所身受諒非

諛頌文經術久凌替仕途多荆榛時流驚新學賢否何由甄要
當表清官庶幾公道伸孰不說歸耕此詣未易臻從來進退際
悉本道德純淵哉名賢澤奕葉尙未湮不羨好園池羨汝棫樸
薪文章爲世出忠厚及物仁用以啓後昆亦以答先人

謹題宋歐陽文忠公象

庚寅七月戶曹孫君顯家以歐公畫像卷見示云是新
鄭守墓子孫所藏諦審紙墨乃宋時物又譜圖一卷略
與棗本歐集同其中名系足訂棗本之失者非一末附
莘雲先生事蹟數紙則元季遺老人明不仕者也旣賦
一詩題於紙尾并摹畫像以志景行

布衣帛冠致駭牝地員海王富組練古來謀國重君稊今日名
言務商戰歐公生當宋極盛位業文章世所見偉哉三策策關

西欲爲茶鹽散餘羨平生服膺居士集自恨迂庸儒術賤滔滔
江海漏難收屑屑錐刀計空擅京師雨狂水浸屋頗似東都溢
清汴螺陂一圖忽攜示昔讀公書今識面渥丹桃李發酖顏爛
電龍鸞動英眇憶昔來往澄懷園六月荷花大於扇詞流幾輩
拜遺象慘淡丹青宋時絹霜紈兩柱燕閒服上有天題金碧絢

林穎叔得公滁州畫像乾
隆中裝魯青攜歸求御題當時驚歎畫龍飛無怪環滁山色變

三十年來一彈指絕少朋哉文字讌幸逢新鄭子孫賢猶奉遺
眞走京甸秋堂夜涼百蟲語舊學荒蕪新說眩惟持金石一千
卷侑以琴罇雜芳蘼千秋定論文在茲一代通儒動遭譴利權
在上慎持籌兵法攻心靜傳箭休誇飛白善經褒切望邊材盡
邦彥

遲庵和詩再來而駕航以京尹內召聞尙在天津也喜而

有作

郭亭行矣朝湘靈鈞天廣樂疑可聆春風吹船不著岸勝遊竟
負嶠臺銘峨峨京兆開省庭宜晴快雨轍屢停一從沈郎去官

後海棠閒館門常局

黃壽臣林穎叔卞頌臣彭芎亭尹京時饒
客於後園宜晴快雨之閣周小棠沈仲復

尙修舊蹟今改
為海棠院矣

神州浩穰拱八陘千塗萬轍來展軫使君坐衙

日決事豈暇更畫蛾眉青遲庵手註海外經歐邏靈墨飛火舩
雷霆滿腹暗未吐往往語帶蛟龍腥瓶生持橐侍禁廷耳聾手
戰非昔形醉中狂談醒自詫欲以屯收收先零借韻江流滔滔
嗟覆瓿且持門戶嚴堂廳神鋒斂莫輕試與君含笑看青萍
秋荷枯盡野菊馨琵琶哀怨難為聽三人一夕詩百首明日喧
傳聚德星

陪無競先生破山寺訪桂

近代詩鈔

翁同龢

輕輿經北陌散策訪香林此寺古來古一山深復深攀時吾有
感斫却又何心詩石空依壁寥寥千載音

吾聞破山側有寺榜高林

綱堂昔余訪得魏仲雪高
林寺碑記在興福寺左

鐘鼓空山

答松篁別院深談碑前代跡禮塔老人興廢尋常事惟餘澗
水音

辛丑中秋月出復翳夜坐悄然見荆門畫漫題

木葉蕭蕭柳已黃回汀曲渚路茫茫不知懶瓚何情緒祇說江
南未下霜

一輪才吐暈微黃又見浮雲白渺茫我不勝寒何足道瓊樓玉
宇有風霜

費昶懷秋牕論畫圖

畫師世斗量幾人識畫理惟有賢豪流醞釀本書史蓬萊不欲

住歸去弄雲水仙人在何許並几笑相視摩抄蘇米跡抉剔倪
黃髓槃槃千古心併入數番紙秋風昨夜來關山渺千里孰云
江南好雁訊雜悲喜以茲論畫法平量天下士宗派各分張真
僞多疑似世人無可語良友深閨裏彼哉比翼圖富貴良可鄙

壬寅五月從曾孫鬲龕之官畿輔瀕行以扇請寫口占一

詩付之

我居墓廬中山川穆餘清汝往官畿輔觸熱轉海行吾道無南
北所恃惟此誠當爲天下念毋作一身營我觀中庭花粲粲發
菁英豈伊樂近翫而忘稼穡情況彼服官者事事系民生假如
司讞獄執法當持平取決一言誤怨憤萬古并又如關津吏稅
入較重輕算緡縱入格斂怨實取盈又况儒生學最忌輕譚兵
猛火苟弗戢殺人不聞聲是皆舉其大自餘難具名汝本初試

吏三者非所更但當力勤儉庶免人譏評勤者事維何雞鳴起
櫛纓日入卽宴息拋棄牆隅槩儉者曰維何一飯戒鑿精高冠
陸離佩奇物奚足營勿趨利名藪利名衆所爭勿矜意氣豪意
氣終無成山塘通一水中隔十里程汝今卽首塗吾亦嬾入城
去去勿復念吾方事晨耕

· 再和金門

老夫曾現宰官身校士掄才亦數巡惟有一舟別金門號真澹泊迴
如孤鶴出風塵或云楮薛原同學兼說崔盧是外姻須信冷交
磁石鐵江湖何處覓斯人

病榻不寐

中虛暴下氣先頽幽闕崑安在哉骨肉至情垂老盡江山奇
想破空來寒溫迭嬗天無意生死能回世有才獨撥殘釘坐長

嘯隔牆僮僕漫驚猜

仿和州學博兩首

瀟瀟落木下亭皋
意與孤雲獨鶴高
祇感眼前多罣礙
亂山無次湧波濤

山齋雨坐漫焚香
几淨窗明竹樹涼
午睡起來無一事
自磨殘墨寫瀟湘

乙瑛碑為佑萊觀察題

禮殿新文學舍名
執經非復魯諸生
王家選吏須忠孝
底事區區

區犬酒爭

犬字蘇齋
酒友恐非
釋為

卒史原非胥吏徒
兒寬黃霸是通儒

卒史清華之選吏卒乃守
衛者也杜佑譌百石卒史

為百戶吏
卒甚謬

臣蘇曾與經師席
慙憾空疏一藝無

碑字有賤名者
極少每對孔蘇

內省
增作

一字研求點畫旁書生泥古太微芒

近人謂此碑以辭對故下

拓何當盡掃莓落迹重覩穹碑日月光

甲辰五月二十日絕筆

六十年中事淒涼到蓋棺不將兩行淚輕爲汝曹彈

近代詩鈔

李壽蓉

壽蓉字篁仙湖南長沙人咸豐丙辰進士官戶部主事
下獄有天影盒詩存

晉夫亡兄初度日

荆花落後慘無顏墳土猶新蘚漸斑歲晚始看諸弟集天寒終
少一人還破琴孤劍沈幽壤冷雨淒風入暮山追念生前堪痛
哭功名兒女兩緣慳

悼亡

空閨入夜鎖淒清長簾塵生感亦生臨死應懷未歸客無兒知
是可憐情半輪月墮蟾蜍影四壁燈寒蟋蟀聲獨坐思量舊時
事六年緣分不分明

、聞官軍收瓜州鎮江

渡江曾打木蘭橈夾岸驚心賊騎驕殺氣陰沈滄海月軍聲寒
落廣陵潮頻年但見馳燕馬諸將於今插漢貂疾捲上流餘孽
盡石城連界是金焦

、揚州二首

揚州風月化煙塵黯黯垂楊不見春蕭瑟玉鉤斜畔路更無墳
土葬征人

月下簫聲去杳冥寒燈空見兩三星傷心昔日繁華院芳草春
來已化螢

、學義山體爲宮詞

碧苔庭院瑣沈沈羞費長門買賦金雙縷篆烟清曉睡一奩寒
鏡照秋心生憐妾貌難爲寵回想君恩已過深卻有餘絲纏不

盡管絃風送隔牆音

春莫遣懷

辛酉先歲八月夷警得暫出獄今重入將四月矣事閱三載了無休息撫景深感懍然而吟

園牆四面繞荆榛矮屋當年憶苦辛天下殊多未經地此間今

是過來人冰霜榆樹宜終古

椒山先生手種樹

風雪梨花又一春畢竟

勾留緣底事悠悠流水易生塵

近代詩鈔

陳壽祺

壽祺字珊士浙江山陰人咸豐丙辰進士官刑部主事
有纂喜堂詩稿

漫興

剝啄從無客到門深深幽草長春痕文場屢誤新花樣書味仍
咀舊菜根燈下敲碁花落子雨餘埽石竹生孫人間卽此堪高
隱何必桃源別有村

春晚新霽卽事

排日商量酒一杯殘春隨意入詩裁斷雲將雨溪邊去斜日銜
山竹裏來欲墮蛛絲綠草上習飛燕子帶花回小窗久慣垂簾
坐爲愛新晴特地開

近代詩鈔

陳壽祺

春暮意行近郊偶賦

春深邨落柳絲風，
瘳策寬鞵一笑中。
田水倒涵山影綠，
野花亂插竹籬紅。
貓頭笋賤連泥賣，
雀舌茶新帶雨烘。
借得雲門供小隱，
年來興趣幾人同。

客有詢平水春事之勝者，長句答之。

筍莊魚滬儘堪誇，
二月東風滿若耶。
過雨湖光明薺麥，
轉谿山影在桃花。
游蹤小榼鵝兒酒，
春事閒門燕子茶。
詩尾朝來添小印，
頭銜新署釣人家。

曉起櫂舟由雙溪至平水沿堤落花甚多有鴛鴦飛鳴水
上戲賦一絕

濛濛春霧繞衣香，
黯黯殘紅蘸水涼。
羨煞雙溪江畔樹，
落花猶自覆鴛鴦。

春晚卽景用中表李越縵太常

慈銘

均

睡起靜無事茶香分外清
雨餘飛燕重風定落花輕
草木有新意軒窗愛晚晴
欣欣無可說相對一忘情

客窗雨過新綠如灑偶憶鑑湖舊游悵然賦此

故鄉三月春東風亦未懶
花事隨去多遠近孰能揀
樓臺借天巧巖壑絕人劉
每當新雨過打槳趁花轉
濃淡爭一宜頰仰生百
哂鬆雲脫樹來欲渡半還散
晴山上水氣藹藹共春軟
游習趣轉忘境鬲意忽遠
相思如柳絲新綠鏡湖滿

春莫海上病起卽事

重簾猶是峭寒時怯怯春衫冷
自支客裏光陰雙燕老病中況
味一燈知香愁細雨依人久
花戀東風到地遲三月不堪荒舊
習朝來擬作餞春詩

近代詩鈔

陳壽祺

二

春晚意行花下榻觸舊遊適蕤客用潘星齋少司空小瀕
波館集中曉遊天王寺及坐慈仁寺見山閣均賦山居
詩見示依均有作

縛茆謝塵事清夢結幽麓凌晨入山去烟翠沍初旭石古春濛
濛茗氣潤於沐沙笕明疎花風崖閉藁竹林陰交薄嵐人鳥影
一綠夤緣出谿脣天光墮空淥山心隨處深白雲不能束歸來
晝掩門松屑香可粟

頻年別家山幽夢杳難跡東風吹薄寒遠思共煙積羈辰易爲
悲當春轉蕭槭客愁如江水深淺不可尺庭角香冥冥輕陰一
簾隔花光忽中斷斜陽爲之劃琴絃滯餘潤茶香碎寒碧感此
成獨吟歸禽帶雲夕

春晚薄遊慈仁寺用潘星齋少司空慈仁寺晚眺韻

精藍拓游塵咫尺判清濁孤幢表初旭遠意與之卓筇鞵踏幽
徑苔旣春剝剝新綠忽以明輕煙爲我濯山情眷空翠欲贈不
可握鐘聲淡無依沿風墮冥邈跣石暝忘歸松花積巾角

越日復偕叔雲蒞客至慈仁寺坐見山閣次壁間壽陽相

國師均

諸天無人香火寂佛欄春樹青團團依花轉石得高閣筇鞋響
踏榆莢乾卷簾山影忽在背涼翠瀉鏡生微瀾沙鬢白水煮新
茗依稀松梵迴風湍十年落拓厭世味巖英飽乞僧厨餐

乞叔雲
藤

花數
相餉枝製

寺門日落且歸去鐘聲一徑沿輕寒

春暮感興疊前書越縵堂集後韻

落花如幽人當春自孤嘿薄寒散飛絮東風不能色推遷亦云
常遲暮若爲惜閒窗拓孤眺頽陽暖將夕榮枯非一端名理生

百識元化無盡藏言者特糟魄嘉晨不我私賞心亮難得羣動
趨憧憧誰爲叩其寂當前或不取時過卽成別曳雲無定姿幽
草有新迹微唵憬獨悟癢處自爬櫛靈機散天地深淺視所納
興來欲無始趣到忽忘說詩成明月高虛庭對之白

故鄉寇警後數月不得家書旅夜一鐙百感藁沓用昌黎

示兒韻一首

骨肉寄語言所得亦區區誰令鬲烽火并無盈尺書自我別阿
母涕淚嘗沾裾流離值患難念我還何如崔窰臥龍山下有先
人廬小園亦云好菘芥香可蔬蔭以百竿竹得笋肥且麤欣欣
顧妻子以爲阿母娛今年粵寇逼墟市無酒徒明知殺戮慘猶
望傳聞虛嗟我事薄宦覓粟慙侏儒家無五尺童急切誰相於
知否避亂後還似離家初不知母眠食遑敢知其餘我身無羽

翼從何問起居消息日千變安危不我虞皎皎故鄉月明明照
征夫故鄉亦不遠奈何限戶樞低頭看燈火豔豔花始敷似聞
朝飛鵲噪我庭前株夜夢頻見之白日忽已疏搖搖懸旌心愁
來詎能祛憂思入冀幸恂恍難爲俱長安無尺水何處覓鯉魚
飄飄東南風倘肯借吹噓

夜坐對月再疊前書越縵堂集後韵示同社諸子

雨過衆生醒煙定百囂嘿攜琴出前除開簾攝寒色慚予役世
好此意幾能惜竭來珍薄閒虛堂對春夕偶此林下步微證靜
中識暝花繪景光一月弄千魄妙機若有會斯理眼前得清思
及天迥名心到宵寂情厭欲無且趣洽轉忘別洽洽絲外音松
風澹無迹十年墮塵網煩憂比如櫛行當閉門居萬象一枕納
載吟獨夜詩持向同心說疏鐘花底來栖鴉帶星白

冬日放衙歸途口占

夕陽十里鳳城隈瘦馬茸裘畫諾回
自笑冷官成底事鑑湖典
卻換將來

冬夜燈下課阿鼇阿嘉讀書感興

長安風色布袍寒又見初梅小雪天
冷署茶香消薄宦貧門燈
火惜殘年閒裁舊判供詩草偶定新花計
俸錢珍重眼前無限
意亂離骨肉倍相憐

近代詩鈔

易佩紳

字子笏號笏山湖南龍陽人咸豐戊午舉人官至江蘇
布政使有函樓詩鈔

石遺室詩話易丈詩全學隨園篇什多亦相埒如商於
懷古云秦禍不旋踵循環亦何急昔年楚人愚武關實
被執轉盼楚亡秦卽從此關入入巫山峽云天半懸一
門對舟遙拱揖忽如雨龍爪擎空攫舟入遊青城山云
五里石作梯梯上天師洞洞中一何見直請君入甕皆
逼肖者

宿峽口

馬肺牛肝峽狼頭虎背灘此生初入險平日未知難夜雨千山

暗東風三月寒擁衾誦周易聊使夢魂安

道中寄懷陳右銘

陳子外不羈中藏實端正有時若汶汶胸懷爽且淨顧此乃天
資非以云學行若使終如斯不免多疚病前日與子別長歌爲
我贈破涕作壯語意氣何豪盛獨念分手後誰復相規諍天難
生一才才與學難並學深才益篤乃與氣數競丈夫自矜惜骨
力先剛勁但使萬物歸豈爲萬物勝一節或不修中已歎吾性
事業偶襲取久大難堅定年餘互講說今日誰印證腸逐車輪
迴反覆申戒儆天涯我知子我言子能聽無爲歎離索萬里相
呼應

· 自嶽廟至祝融峰道中

五里越陂陀十里近半山泉石聲琅琅仙樂非管絃俯聽瑩心

神仰視窮躋攀香鑪迎面起氤氳翔紫煙頂露祝融縹緲虛
無間行行衆峯低一徑通天關紫蓋繞我足天柱隨我肩祝融
眞面出呼我升其巔到此轉悲涼忍獨超人寰憑巖且坐息絕
境徐徐觀

題陳東漁詩集

數千里外承投贈見面詩篇更等身讀罷仰天一長歎青衫白
髮有斯人

高坡

由台拱至
期洞路

極目全無地除天但有山何堪來使節惟念亦人寰編戶雞豚
靜藏林虎豹閒經營誰繼武常此靖苗頑

馬嵬二首

傾國非徒絕代姿尤憑巧慧結恩私可憐揣盡君王意未揣君

王掩面時

恰好根塵了佛堂心經曾教雪衣娘隴西無復同音鳥只向行人問上皇

牡丹疊真一子韻

桃李輕盈柳絮狂天教後起更端莊臨軒冠帔千層錦出浴肌膚百和香周代人文餘洛土唐家花木亦汾陽羣英到此收羅盡小者爲侯大者王

出西陵峽

頓看兩岸失峻嶒回首巴巫幾萬層無數險灘都告退不隨柔艣下西陵

暑夜池北納涼

柳梢月漏縱橫影蓮柄風搖遠近香恰在柳東蓮北坐正宜新

月晚風涼乾坤多事吾無事名利皆忙道不忙未必幽人疏懶
甚園林也自費平章

新秋晚興

少壯悲秋老不然隨時領略靜中天漸看落葉歸根好始見羣
花結果全消夏亭臺三伏後晚涼風月二更前餘情自笑難知
足貪戀清光不忍眠

幼時春夜詩有春氣暢蛙聲之句全首忘矣今補之

小几凭花坐閒階踏月行煙痕團柳色春氣暢蛙聲杖履周三
徑鐘籌過二更欲眠仍戀景未改少年情

春忙自嘲

閒境多忙事春來更不停番番候風信日日課園丁撫樹晨霑
露巡花夜戴星問誰勤吏職能似此勞形

早春雨後園眺

水滿池塘兩岸遙
苔痕新漲舊痕消
殘紅漸落梅千點
嫩綠先舒柳數條
蝶隱花叢防雨溼
鴉盤樹頂任風搖
紛紛物態閒閒閒
看淺淺春光淡淡描

桃李盛開

三十株桃十株李
連晴三日全開矣
未到開時情最長
日日花前盼
花蕊及到開時意
轉深可能幾
日常如此老境方知造物
心養花天氣是春陰
願借古詩更一字
春陰一刻值千金

前論嵇叔夜有未盡之意戲爲韻語

嗟乎嵇叔夜
生性本好高高者
如孫登相去卻遙遙
不能離風塵
與之凌雲霄
低者如鍾會以及司馬昭
此輩固糞土量亦不能包
不高不低者有友如山濤
偶然不愜意又與之絕交
上中

下三等無一可爲曹只此三界閒君將何處逃終爲低者陷難
爲高者超不足云道德也自是英豪

十六夜五疊衡山韻

陰界魔軍竟不摧三朝三夕久徘徊老蟾猶未排雲出新雁頻
經冒雨來木末樓臺離地匱水晶窗戶向天開眼中無月心中
有邀月休停濁酒杯

九月初五日由九江府度吳章嶺至五老峰宿三峽橋

彭蠡湖濱處處逢羣山東下幾千重眼看日午湖中影身在湖
西天上峰

初八日望天池大林諸峯經西林宿東林

永公闢地肇西林無著天親好弟兄誰弟誰兄都不辨浮圖一

座兩同盟

慧永 慧遠 同師 永先
關西林 遠繼 關東 林

近代詩鈔

易佩紳

四

十八高賢試品評幾人實詣幾虛名獨離諸相飄然去靖節先

生佛再生

東林蓮社百二十三人以十八高賢為冠慧遠嘗遊

實有所見不止因無酒也

江州司馬舊為家忽掛緋袍赴郡衙欲把塵緣都脫盡青衫只

合換袈裟

樂天留別草堂詩有忽掛緋袍作使君之句

匡廬奇秀甲天下又道香鑪甲衆峯想是山南看未徧只於山

北記遊蹤

樂天草堂記專美山北之香鑪殆其時職守在九江未越境見山南五老耶

初九日返九江經太平興宮望蓮花雙劍諸峰

太平興國宋年名移作宮名祀玉清教主將來作亡虜天書從

此倡先聲

太平興國宮宋太宗以年號作宮名也余嘗謂徽宗

矣

湖因水涸而曲略寫其狀

近帆來似去遠岸送還迎誰使山迴互都由水變更峯巒頻向
背汊港疊縱橫偶爾摹湖狀聊堪喻世情

和僧八指白梅韻

舍花無樂趣憂世只閒身賴此一林雪猶存萬古春羅浮酣睡
客鄧尉冶遊人都讓林和靖孤山氣味真

Blank manuscript page with vertical lines.

近代詩鈔

高心夔

心夔字伯足又字陶堂江西湖口人咸豐己未進士官
江蘇吳縣知縣有陶堂志微錄形影齋續錄

石遺室詩話陶堂家番湖與東臯栗里相望百里故命
其詩曰陶堂志微錄詩功甚深而詞句鉤棘朱之榛撰
行狀謂體物諷吟託之寓言意多沈悶趣鮮懽愉類於
境之窮者敍略亦曰何爲是諧隱天下也深思遠憂不
可弭於胸不可旌於口暫而寄諸或遠或近其然豈其
然之辭可以知其概矣

贈水軍彭帥

玉麟

彭侯樓船出湘漢神鷗一顧無滄溟東流沸蕩繁鼓吹有耳已

厭洪濤聲國家逋寇棲要害喋血八年南土腥跨江百戰捷湖
口彭侯氣作千雷霆擊衣卻立冰雪上須髮瑩灑江光清遂憑
鍾山障鄂渚坐畫皖水開秣陵鍾山橫空飛閣直龍窟無根插
青壁彭蠡雲霧臧半腹桑野寒旭浮檐入壯夫蓄意輕阻深醉
呵天吳斂四翼崖桂藁菴梅吐萼導我縱觀陵百級風景略擬
昇平初不見長戈映鼇極請公料理雄駿人帆海橫行島中國

登吳城望湖亭

曉漲浮空左蠡青號風四蕩旅魂醒中流石盡沈精衛枉渚林
隕斷脊令盛憲憂傷年易蹙韓娥漂泊曲難聽面塵臆血誰湔
拭心墮倉芒況此亭

峽山寺寄郭中丞

瀆峽十餘寺出沒千雲窠窠覆峽中水水織雲閒峯峯峯立笱

森森束帆帆側翼鳥趨谷春舟箭過今遡迴騰碧親人遲勝速
出峽南下南海寬入峽北上五嶺盤峽中思君一矯首二禺不
見雙煙鬢吾生何勞路何滯去時莫省來時意空憐澆水嚮公
清更問湘流成底事百舟進纜千夫號磴道杳窈倉厓高窮年
苦驅水陸力萬事利鈍唯天操龜山既能蔽東魯越市還應笑
尋甫我行不辟關路難公莫辭官諫垣怒

秋夜岳陽樓答懷仲弟三首

有序

浙撫曾君東征還道岳州南門之麗譙東壁洞庭之厓
者兄大學士昔始濟師其下而樓數不任登新之其後
益爲佛閣祝融峯首燦秋觀湘水五折蜿蜒循嶽以東
水之盛滔陽而洄陰哆然若無襟無委無端無亭而安
山有衡水有洞庭故曾氏之雄也大林邱山之善于人

也或謂之神者不勝然君子于大水必觀焉樓今適獨
宜予予壯此水孤澗澗久坐穆深風興氣蒙孚尹肆
達上下霆雨無所給耳目悲哉擾乎抑逆予以多懼也
予奚宜于是征富貴峻聞譽不固爲顯則訾物以壽德
脩仁立與人倫同患不足以勝時命畏來者之不然則
夙爲了語以自開外蛻其物嬰內導其天游羣萬類乎
旁皇而夷逸于會無不遺也無不係也人惡惡而卒呢
是且夫水于山族也樓于水賓也于山水之人相悅乎
無相悅也然而大文聖智駿發乎宏攬者之心然而神
人睨之已去趨思之塗樊于魏都之軌賢不肖鈞徇一
焉物之成虧人事是階苟無其質天地不立乃交爲腹
笑乎爾怪彼人之不陽久矣夫予羈雌樓之側予仲輕

千里而來眊予尙羊茲樓攬乎雄曾之蹟瑋然一人世
兄弟也山水人爭樂之兄弟予所自樂也不務崇其所
以樂而意歆乎山水與敝予仲且猶睨而去之予仲之
詩之指也夫故和而答之云爾

月華如霽雪無地只虛清金粟人閒酒冰壺水上城疊筵千盞
過當檻九江平暫著烏巾坐倉芒獨詠情

寄同年龔濟南

易圖

歷城山色堆明湖七十二泉天下無賢守名邦極蕭灑俊遊良
會一懽愉能馴渤海帶牛俗更養稷下雕龍徒大嶽雲生望君
日扁舟風雪嚮東吳

經邵伯鎮作

時湘鄉相公自
江南移督北直

甕社猶依邵伯埭冶城難住謝公墩東山歲月一枰過北府風

煙萬竈屯每念徂齊傷吉甫真逢去魯辟臧孫抗旌河岱塵千里獨權秦淮望薊門

形影篇

有序

嬪楊恭人亡既象于堂又冊寫我夫婦病境作形影篇
閨壺之行禮無表襪生有所缺各詠其哀悲哉予微而
活恭人貸而死也斯之爲恭人乎厥字儀翟爲予學陶
也

中夜拊匈歎有歎興告誰逝我同病人舉目百千悲悲凝目已
涸形逸無緣追感卿夢我頻問卿病豈衰卿言病且衰屈申適
體臆體臆非我役修短非我司我今暫委蛻君勿以我爲委蛻
亦何樂幽嬪以冥隨行止係君踵順逆占君眉就君爲寒溫悽
惻君渴飢兩身祇一心一痛兩痠癢卿痛不更道那更爲護持

我當如卿何寐寤而合離卿當如我何死耦而生畸舊冬婦初
喪刺耳唬嬰媿瀕訣號屬我願君聊念之新婦歸君家奄忽二
十稔君恩固磐石茹荼甘比飴得意願永畢執手訖于茲恨不
良作計早蓄房中姬山木亦有枝巢烏亦有雌君勿重自苦苦
恹五兩絺今朝三男女無母賴父慈童駮無教誨恐復勞詈笞
三兒兩長大劇驕十齡兒昏嫁未一就我去如何猗已復哀母
老凍餒諸寡姨約略有處分涕溢仰視睢噓不任其聲迴復含
齧齡丁寧示我臆萬苦一委蛇我迫不暇哭吞噎記此詞婺源
致老黏笮黍求陝隲蕩蕩作木城四堵塗黃脂大小結束罷舉
身臨路歧翠冠鳳啄玉繡帔縈葳蕤金笄副璫釧緹絢素絲紕
在棺儼在牀百子織被池偃然寢巨室一闔日月墜烏乎皋媚
女去作九幽嫠升屋不可招忽復聞歎噓大兒處陸魚小兒木

雞癡苴麻委狼籍嚮壁交漣洏何所逃我慟投彼無人廋所親
走唁我柰何頓至斯孤鷄鳴長梓雉飛寫琴詩陶公感翟逝閑
情子所惟但聞愛有根不見歡無涯隕霜殺百草不辟芷與薤
薤華取耀首一秀盡朝曦夫人循大化子何獨纍纍非我故纍
纍死生婦轉移請陳病所由我乎重累伊前年歲甲戌賤子丁
險熾九秋亢厲作飲漿拍槃匝陰陽內炭熾呼吸縣市鑿我婦
日夜泣禱天跪神示日夜掌柱我目腫鄰骸痕帔額晨不櫛夕
饋三五炊乃爾百餘日一心不云疲我病漸以豁婦病漸以殘
盛年落榮采鬱攸銷明肌薄莫薄焉支脛莫脛瑠璃爲君滅焉
支爲君碎瑠璃揜耳使勿言嘿嘿相怨咨卿其強飲啖養和悅
肝脾幸生遂偕老白髮回青絲星紀餘一周削面憺且黴丙子
歲朝旦出房拜我喟今歲婦賀君來歲君我祠齎骨已不春何

勞秋風吹脅氣大積聚胛肱兩石鑿鑿言病似姪不則水毒彌
山風在易象皿蟲穀有螿姑調六淫氣唯阿見稽遲使卿酷冤
煩此腹當須劓龔聞室疾蠱陽物而晦時其來以忽微佚樂爲
裋基二十躬憂患三十守茅茨四十號縣君羸瘠便植鱗紡甑
續鳴白臨餐饜糟藜戴星勉我出曾莫懷燕私爲我禦咎殃義
行卿何虧公然降虐疾籛條兼戚施反令薄命壻束手視墊危
肺腑不能語醫言工面欺或告經絡擁土汜吳閭卑內當排癥
癖鍼熨佐外治攻伐窮百道滲潰半體糜倉皇變悔恨洗鎗淪
薑茝鹿茸糝桂屑三分九用資云可倖補救衆口殊參縈金橘
花綻雪白穠綠夾籬木犀灌使活發馨自柔萸盛夏嚮秋盡不
起前窗闕彙晝睇空語低頭夜何思羿亡不死藥詹諸化常儀
食厲南斗下枉祝太白媮騰根不食蠱何所呼窮奇東鄰驅訓

狐西鄰射子嶺將母以我故舍人見瑕疵請從更爽塏事至不
苟疑事至卿不疑殘兢焉可椿惝輿綰重門嘖蹙作指麾幽明
隔親愛何意今能徠和顏訃阿姥新婦逢百罹勞姥相姪煦嚶
嚶復嚶明當同歸去顧我從此辭我今敕吾家我命其已而
我愧爲人子夫人則孜孜聞我母病篤蒞來侍羹糜未婦視猶
子踰闕人無訾我母我祖母重疊奉矩規謂婦我佳婦爾婦還
爾師北面朝君姑天道報福禔誰歟行露女禮備反魯期有姑
不生覲那用爲死縗包蒙不納婦何必虛筐貽凶疚今視昔徵
吉停車綏念昔停車綏西寇突江灤骨肉被冤酷室毀無寸僮
重銜生我痛行哭投荒崖荒崖盛雨雪少人多豹狸夫人勸警
備袴襦暝我資承聲詣卿家顛顛呈縞綦急難如兄弟不廢禮
防維身有四方事心有兩心心中心庭辟答問櫪下嘶黃驪風波

遇嫵婉忍泆見排推淒淒吐鳳軒冉冉結衿縈踈踈碧鶴雀眷
眷門上楣我當操弧矢卿當尸釜錡幸申伉儷好死生不離披
三朝赴軍去千里同負羈夫人處顛沛不受俗妍媸爲人摯有
別又相我所宜謂此豈殊德今日信珍禕人生若匹帛美服出
裁規何況金之剛淬摩要柔砥牛衣病中泣白駒隙中馳楚游
劇困倦吳下又亡貲今時貴平慎柰君志嶽崎君又好直言文
書又紛被投珠屢案劍素壁徒蒙緇仁義多憂悵濁魚傲清螭
羞彼六相印不直五羖皮我笑機杼手豈工彈屢屢卿真陶堂
友醜結且簪著出亦簪一著入亦簪一著令君歌飯牛爲君饁
東菑有何馬前揖塵過霑人頤平生縱談諧蠹漫無話啗負卿
非一二痛卿斷權怡憾卿太悽悽愛卿自媿媿深憐或淺溫千
語隱雙頤從橫夢中淚并作枕上滋生存卻華飾旣殍圖冠帔

冠帔儼我堂熒熒清雙眇煙然玉非玉寧是病容姿可憐病容
姿近覷轉希夷看人獻新歲撫兒薦母釐靈牀橫燭淚游埃下
鼎卮銘調晦棲壁總帳唵清颺流薰百餘帀精氣揚露墀舒徐
引步屣紫綠溼莓落佗佗去何止不如返我帷帷處誰能久人
壽誰得縻朝朝坐空館夕夕計歸輻嗟我與夫人形影箴與磁
傷神抱此冊唯我儀卿知

代簡答許六兄京師並呈張編修

之洞

許兄冰雪腸無垢百飲大黃翻獲壽平生射眼文字燄怕放一
篇誦人口辯瓜驪谷最奇惑諛石梧臺差蓋醜予豈不知心未
伏嗟欲升高頂冠白南皮張侯翰林伯二子金翅狎希有解談
大荒日月戶近似比屋東西牖隴蜀騰出九州背英蕩雙摩八
輶首腹中蟠鬱天上事欲書伊何梏其肘雖觀誼作驚不及終

樂據和無可否但奉乾元第一策陰陽坐見迷豐蔀況如張侯
不世土地之玉海天璣斗冥冥雲水遯光氣未免薄人躬自厚
評我兄弟爲名誤我落風塵祇蝨朽故應龍戰迴變化那堪蝘
堉圖攻守耐閒忍俊思已熟窺耳呼號誰職咎紛紛雄白笑雌
黑此意今參賴鄉叟吳下蘇鄰恰僂李衷底頗臧辟歷手空能
醉歌館娃月無分卻對燕屠酒暫樓強援起爭霸寫詩激君虞
我詬當前聽子百屣棄且復千金享家帚

...

...

...

...

...

...

...

...

...

...

...

...

...

近代詩鈔

王星誠

星誠字孟調浙江山陰人咸豐己未副貢生有西鳧草

丙辰人日同人雪宴芝村寓園送周叔子

星譽入都

江村十里風雪昏春船燈火催送人敝裘上座半酒客各有萬
感叢一身越山蒼蒼鬱清氣前輩風流久凋敝漚堂主人真好
事獨以淳文洗寒鄙曲江一醉宮花新翻然歸臥南湖春著書
自足娛老母乞米不肯鬧比鄰素箏濁酒選佳勝睥睨名流足
豪橫同時孫李亦詩傑越謂退宜折軸汗駒不能騁側身頰瞰橫
流高洪鐘所應無驚警抗懷已覺古人少入俗未免羣兒逃何
況烽烟迫飢凍極目關河託哀諷蒼生會待斯人蘇文章豈直
名山重嗟余落拓輕故鄉行且短劍走大梁君今幸假尺寸柄

正與天驥資騰驥願君功名蓋當世肘下黃金眼中事十年種
學道在茲毋爲區區昌其詩

道中雜詩

春半荒村尙試燈春譔踏臂月三更孤帆已是淒涼甚禁得吳
孃擲笛聲

洛川道中

一別青山倏半年詩情畫意忽爭妍此間大有江鄉思祇欠滄
浪著釣船

一川新水拖藍嫩十里平林淺絳殷好似故人團扇畫祇疑歸

夢到柯山

越縠子嘗有柯山紅樹
畫扇光景絕似此間

客有詢鑑南春事之勝者長句畚之

二月南塘鏡樣圓水容山態儘人憐一湖魚氣白浮樹十戶筍

租青上船酒幔嫩陰楊柳海飴簫寒食鷓鴣天年時半幅鷗邊
席葛帔單裙望若仙

曉晴散步

一宵苦雨過殘醉破曉新晴得放閒敗葉眷秋還著樹溼雲爭
旭漸離山無端眼淚狂難蓄太瘦詩心愛未刪莫道獨吟餘獨
賞路旁渾已笑癡頑

贈登封王丹麓縣令並柬洛下汪東初

伯樂一顧萬馬暗鹽車骯髒乃有真卽看俗吏浩如海我能於
畫深知君吾家山水維與宰本朝奕奕尤有人麓臺荆川太崛
強後來幾輩傳芳芬畫山所貴得山性必有身造方能神聞君
放衙對二室床屋未屑收凡雲觀香積翠半奴走天風玉女來
比鄰癯龍顛顛踞其肘下筆寧顧造化嗔吾家禹穴頗神秀十

年跂脚陵秋霽石氣到骨心計拙山風吹衣皮膚皴出門短策
走汴泗披髮仰笑誰將倫中朝人物過江盡韓陵片石今無存
山河污濁誓一洗小夫橋舌疑金根黃沙茫茫眼睛死猶能爲
子開浮塵丹青雖好亦小技願君手挽蒼生春墨池涓滴蒼霖
雨壽民當與名山均乾坤清氣本吾有毋廁齷齪凡兒羣此意
人間會者尠爲誠問訊窮汪倫

蕭山寄懷李大越縵

慈銘

忽忽已成三月別故人道爾苦吟詩傷時涕淚狂猶昔倚樹光
陰病倘支下澗有田供箸述上春多雨足相思商量載酒湖南
路擘脯彈箏定幾時

近代詩鈔

李文田

文田字芍農號仲約廣東順德人咸豐己未探花官至
禮部左侍郎

萬安宮遺址

阿爾臺山白草肥萬安宮殿舊都畿當年突厥兼回鶻兩代牙
庭化夕暉

鄂勒昆河足射雕昔令哥水綠迢迢金蓮池醉溫泉獵誰管元
昌王氣銷

斷瓦殘當歲月深沿河翁仲草蕭森碎碑滿地無人拾歎息圭
塘許翰林

題俄人和林圖印本

近代詩鈔

李文田

禿忽思樓夏納涼新和林省舊元昌埽鄰城裏茶寒殿北去龍
庭百里強

和林金石詩

處月穹碑接暮雲眩靄介弟舊能軍因思移刺雙溪集字字分

明闕特勤

闕特勤碑

癸巳試院雜詩

一統皇元志不虛熱河八到採無餘當年傳是樓中物世上還
疑有此書

近代詩鈔

龔易圖

易圖字靄仁號含真福建閩縣人咸豐己未進士官至廣東布政使有烏石山房詩存

石遺室詩話含真天資敏捷文字皆下筆立就詩才雅近隨園閒出入於甌北宦蹟亦兼似兩人四十餘歲罷官歸里廣築園林城中有四處城北曰環碧軒以水勝以荔支勝城南曰雙驂園以山與荔支勝城東南曰芙蓉別島曰武陵園以水石勝文酒醉裙幾無日無之亦不讓簡齋也

建溪灘謠

水大怕南蛇水小怕秤鈎三日菩薩水平安到福州紙船鐵稍

公一灘一回頭歸人歡喜行人愁

園居秋日雜詩

流水無人花自開
仙山縹渺夢樓臺
黑甜呵欠徐徐醒
落盡梧桐瘦盡梅

西風昨夜報霜華
半畝疏籬枕菊斜
秋蜨渾如人意懶
但尋香草不尋花

徧野秋雲打稻天
數家雞犬夕陽前
老農老圃吾將倦
飯熟黃粱不肯眠

牧童驅犢過前溪
我憶當時錦障泥
牛背馬蹄都一夢
前山那復問高低

薄涼天意好溫存
梧葉西邊日半昏
我自看山人看竹
綠陰滿地不關門

青山偃蹇入城來，抗手相迎儘日陪。
我是主人卿是客，分明都向畫圖開。

五嶽歸來好讀書，生成懶癖不能除。
三冬文史將何用，臣朔荒唐莫管渠。

白日乘雲便上天，妻孥雞犬亦牽連。
排風馭氣仍驚險，子勿多言我欲眠。

海外虬髯似有人，模糊舊事落前塵。
藥師自謁楊公後，不盡低徊惜此身。

昨非今是莫分明，東指蓬萊海水生。
可惜麻姑長鳥爪，替吾搔背不能醒。

散盡黃金結客多，門前今日可張羅。
閒忙多屬他人事，鳥自高飛奈爾何。

一語投機解寶刀少年意氣悔吾曹酒香花氣沙場血半在詩襟半戰袍

鴻雁聲中歲月秋故山猿鳥替人愁建溪十八灘頭水終日喧騰到福州

薄泛扁舟入五湖一天風雪返三吳霜清月落丹楓冷啞啞歸來白項烏

解難排紛魯仲連功成受賞亦徒然從今買箇青山住畫債詩逋不論錢

蚊蚋撩人撥不開芭蕉分影上窗來西風冷後羣囂靜細雨和烟溼綠苔

捫蝨當時氣未平登壇亦自愛談兵近來戒射南山虎醉尉相逢不問名

在山泉水在山雲靜到無心百不聞布襪青鞋吾已慣不知冠
蓋有紛紜

孔雀離披送入籠仰看百鳥在高空枌榆霄漢雖千里啄息同
居天壤中

青蟲食葉吐秋絲作繭辛勤只自知忽夢羅浮成五色是周是
蜨尙迷離

松濤竹籟兩無聲鹿豕同羣兩不驚啁雀且休矜觜爪林中鸚
鵒解呼名

秋欲天晴春欲陰欄杆轉折護花深漢皋解珮渾多事風露中
庭對素心

百首新詩百樹梅臺邊亭外縱橫栽呼龍我憶耕瑤草曾向蓬
萊頂上來

羅襦紅透雪肌膚六月蟬鳴萬斛珠我是江南已歸客荔枝識
得主人無

蚶羹蜆飯本尋常等是莼鱸夢一場腹不負人人負腹烹鮮敵
菜費商量

結構園林未是閒安排筆硯對溪山此心已被雲留住一縷靈
機自往還

王漁洋與宋西陂年少朱顏感鬢絲乞得閒身吾未老名山勝
處儘題詩

信口吟成信手拋紛紛筆墨落牆坳應劉凋謝盧楊散南社晨
星感舊交

和臨恭秋日邨居雜詩次韻

滄江一臥墮微茫山到空窗月到廊蛺蝶尋花真是夢橐駝種

樹有何方林中喚婦鳴鳩急花底獵人小犬防舉眼不知塵世
隔攜圖且補輞川莊

依依墟里上孤煙落日秋江好放船莫遣藕灣通荻港微聞沙
戶競洲田獮兒亂局知人意燕子辭巢似舊年十萬買鄰原不
易出山辜負買山錢

陂塘潑刺競漁又何似揚帆采石華紫蓼青蒲分水國黃魚烏
鬼遍人家租庸權寄千頭橘鼓吹憑將兩部蛙君託水濱我山
澁傳伶心事對秋花

雲峰突兀時晴空準備秋來一雨濛遠道不聞鴻雁信隔江時
起鯉魚風驕陽酷似秦時吏舊夢渾如塞上翁莫問釣鰲四射
虎灞陵歸後不言功

閒門

四山倒影漾空明拔地樓臺卻在城人向亂書堆裏瘦園從名
畫稿中成芭蕉滿徑渾疑雨薜荔牽牆不礙晴除卻訪碑兼問
字閒門落葉斷逢迎

游方廣洞天偕葉臨恭聯吟五十韻

附刻石記

己卯十月戊午閩縣龔易圖葉大莊晨絕陽岐江雨泊
瀨下爨夜入山越葛嶺炬盡虎嘯團焦人出從索火攀
危磴俯臨深溪石齒齒與屐競四更抵寺詫造化設此
巖以待我倚闌聯句得五十韻己未返循所經談且慄
巖奇游亦奇哉易圖記

性僻好幽探

臨

緣深謝凡諾欲追造化窮

臨

直把荒天鑿宛委

闢奇巖

臨

線絆瞰潛壑言從永福游

臨

遂踐陽岐約風信買帆

篷

臨

兩宵假簑箬一舟蜷縮偕

臨

二客枕藉錯發興不可回

臨

賈勇那能卻漫矜腰脚雄臨但愁心目索寒邨初滌場臨淺瀨

仍牽籊江淥浸鬢眉臨山情循脈絡霜紅柿葉濃臨露白竹梢

薄人烟冷鷓鴣臨谷籟雜猿攫風餐莒口行臨雲臥獵溪泊水

窮途益紆臨嶺峻路尤惡縛筍駕輕輿臨燃竹導餘燭林深虎

噬積臨箐暗颯敲雀攀磴俯溪腰臨緣梯蹴峰齧葛嶺鬱盤迴

臨松門聳嶄窄奔泉齧足胝臨絕嘯欺身弱燭盡天未明臨履

穿地難託穹窿開戶庭臨象緯闕櫺格蒼荀石乳懸臨枏椌雲

根縛仙篆幻苔斑臨佛光隱蘿珞胚胎太古年臨渾噩先民作

直與真宰通臨不假巨靈削崖凹日月虧臨洞隘乾坤廓灌木

蕃冬溫臨積冰抑夏虐非昏魑魅愁臨不雨龍蛇攫人跡何艱

虞臨吾生共磅礴今夕與山謀臨此身容我著岫月欵半妝臨

山花開對酌抵足詩夢圓臨藁腹畫禪拓窗談逼曙雞臨途伴

邀歸鶴朝昏隔嶮巖臨來往自寬綽移竹比偷桃臨攜花豈竊

藥移方竹十餘竿秋簷擔半肩挑臨舩艦兩頭掠鏡溪漾碧黃

臨鐵壁隸丹矐出險溯千盤臨賭命快一博無復計瘖痲臨真

堪供笑謔散髮弄扁舟臨撚髭當歸橐蠟展阮孚忙臨留帶子

瞻噓流水媚散人臨浮雲辭好爵文字共磨崖臨林泉誰負郭

蝠巖山自佳臨烏石園獨樂湖海十年多臨風月兩家各游記

待商量臨聯吟互起落山川亦泡漚臨天地猶杯勺子舞遙和

予臨今是將非昨天姥太白狂臨華嶽昌黎忤多君方廣巖臨

坐我天泉閣臨

八月十六夜與傲玉山人坐袖海樓

四面青山坐困人一樓明月足容身兩人對酒蔬盤瘖五夜談

詩蠟炬親檻外長松時拂帽階前小草亦成茵淨名寥寂臨恭

去不負中秋自主賓

購海寧陳氏藏書三千餘種

舍此他無術可嬉貧兒驟富便成癡搬薑無用將憐鼠還酒從
今不借鴟高閣料應終日束名山已悔十年遲封侯食肉尋常
事得作書癡亦大奇

近代詩鈔

彭玉麟

玉麟字雪琴湖南衡陽人諸生官至兵部尙書諡剛直

有彭剛直詩稿

送別楊弼卿茂才

浙人寄居於楚生平任俠家末年潦倒無有願之者

陽關唱罷暮鴉飛萬里江天夕照微雙槳劃開湘水綠嶽雲滿

載一船歸

攻克彭澤奪回小姑山要隘

賊以江心小姑山爲壘於東岸彭郎磯西岸小姑洲築

兩偽之城環巨礮以阻我水師戰兩日破之賊懸二十八字於崖壁

書生笑率戰船來江上旌旗耀日開十萬貔貅齊奏凱彭郎奪

得小姑回

登狼山大觀臺

近代詩鈔

彭玉麟

江到盡頭處山登絕頂時海濤翻日落島樹壓雲欹木葉蕭蕭
下天風朗朗吹撐空有孤塔高極不嫌危

俞蔭甫太史索畫梅花戲占一絕

鵲巢底事讓鳩居高踞樓頭笑我粗

予居第一樓

寄語茗溪賢

太史梅花一幅當房租

養疴西湖丁丑春有事出江何青耜觀察寄詩來倚裝次

韻答之卽以留別

別後相思對客鐙雷峰回首塔層層打包歲歲江湖慣我是衡
山行脚僧

近代詩鈔

劉銘傳

銘傳字省三安徽合肥人由軍功官至福建臺灣巡撫
有大潛山房詩鈔

石遺室詩話曾文正序公詩謂山谷學杜公七律專以
單行之氣運於偶句之中樊川七律亦有一種單行票
姚之氣省三所爲七律亦往往以單行之氣差於牧之
爲近云云余謂公詩偶對甚整仍近樂天如好管是非
生性直不憂得失此心寬謀國已蒼元老鬢荷戈漸白
少年頭士卒向人誇捷狀黎民拱手服雄師一年僅此
日萬里是前程皆是

遺懷

近代詩鈔

劉銘傳

自從家破苦奔波，嬾向人前喚奈何。
名士無妨茅屋小，英雄總是布衣多。
爲嫌仕宦無肝膽，不慣逢迎受折磨。
饑有糗糧寒有帛，草廬安臥且高歌。

應募入皖辭家曉行

拜別親朋去故關，舉家相送淚潸潸。
從戎氣壯晨趨馬，破曉雲開鳥出山人。
值少年當自立身，逢亂世敢偷閒。
中興將帥堪平寇，我待功成定早還。

贈蓋臣子務歸里

百戰澄清衣錦還，征途揮手淚潸潸。
傾囊各贈千金去，只濟人艱莫買山。

征雁

一聲征雁出雲端，萬里長空秋氣寒。
遠塞來時不容易，明年歸

路更艱難仰看結陣飛何處欲寄相思到故關南去有人同悵
望敢煩傳語報平安

雪夜

大雪苦寒夜短牀高臥時早春歸雁緩斜月到門遲纔得還鄉
里又將遠別離辭官未有術翻恨受人知

感成

武夫如犬馬驅使總由人我幸依賢帥天心重老臣上官存厚
道偏將肯忘身國事同家事誰看一樣真

寫家書

遲迴落筆寫無辭前路如何自不知欲達風塵勞苦狀恐教兒
女動悲思

宿州道中

冒暑赴濠梁行艱路覺長馳驅勞僕馬塵土滿衣裳北去今還
轡南看復近鄉身慵何處息大樹有陰涼

近代詩鈔

丁日昌

日昌字雨生廣東豐順人邑諸生官至福建巡撫

子貞先生以詩索和已十五年不彈此調矣率爾呈政乞

勿以示人

蘇城三月春風顛幽鳥破夢呼簷前文書如絲時沸煎有花不
賞同枯禪忽聞剝啄來高賢握手一笑別幾年相傳海外坡已
仙形雖疲茶神完全有時拄杖脰肩忽如蚨蝶飛翩躑太息
故里同蝸跽溪澗難勝大願船洞庭無風獨緣沿沂湖涉江入
皖川浮屠三宿偶作緣堂前問字無彭宣對酒不樂愁拘牽拂
衣東下消滯延官衙客舍床可聯瑯環祕笈勞評詮夔虺蛇風
相並憐花下貽我青琅編筆勢恍若明堂椽又如龍虎互鉤連

皮骨蒼莽色味妍憫時頗厭聞杜鵑籌筆復慮珠崖捐詩皆是日語

此才誕生勞大圓螻伏豈怨時命愆不調鼎鼐調朱絃蜀人至

今虔豆籩蜀諸生為設栗主繫余忝竊專城專塗抹未慣脂粉鮮閉口

且學摩兜堅公餘種花時手胼我寧與我相周旋先生遇之見

杜權一榻特為徐穉懸沈吟佳句頭風痊管窺蠡測資陶甄收

拾頑鈍加磨鐫招邀儵忽鑿竅穿衆毀公譽疑綏便欲歸未歸

繩繳纏東坡誓江吾豈然江神豈管人間田請君迴問峩眉天

曾公為學使時示人遊峩眉

子貞太史以四月十一日啖荔作詩張之謂昌嶺外人應

為推助波瀾人事擾擾無以應命晨興驟涼索枯呈教

並乞賜和

營營飲食亦何有人生涉世豈為口坡仙啖荔亦偶然胡為月

日記某某五千里外七百年風流印證無後先天公頗憐詩料
寡特結翰墨新奇緣蔡譜白圖皆假借香色太高惹嘲罵世間
無毀那得譽玉液瓊漿自聲價先生法眼真上乘果王題品無
愛憎火山先熟味少劣公路所言吾不憑自別鄉園二十載白
髮如絲不相待絳雪紅襦半夢中羅浮山色蒼茫在簿領親裁
汗雨揮舊詩半作蝴蝶飛故人佳篇積成債老來翻藉食言肥
元和芍藥詩 尙未踐約 豈知枯腸等枯莖春雨一灑羣芽萌坐令歌嘯廢
鞭箠羣吏感泣愁公行西方宿師困羣力甘泉捷書望消息緩
帶我堪論將才草檄君當罄醉墨區區尤物殊抑揚中公詩語且拋
俗慮斟天漿更來麴塵七萬里醉飽安問行與藏是日餽公清
空塵土俱夢幻素餐尙愧銀黃縮潑洄湘水鑿澄懷縹渺嶺雲
縈倦眼嗚呼宋香陳紫空清芬龍眼紛紛今出羣

子貞太史以詩謝荔仍和東坡韻二首呈教

新詩脫手如湛盧我欲效顰愁硯枯翻嗔仙子召詩債籍溼走

避驚長驅

謂日三賜詩
催和甚急

平時棄蠶那得襦搜腸頗類蠅點膚騷

壇高峙曹鄴伏無鹽悔遇盈盈姝十五年來一字無誰發其覆

哦姬隅世人但貴香色好先生翻賞肝膽麤雷公砰訇天鼓震

伸手曾摘驪龍珠主恩未報慙華腴無功但飽江東鱸思鄉且

看羅浮圖南郭隱几心久積牡丹芍藥花信催看花對酒興未

了又報輪舶鮮荔來天仙莫嫌隔雲海盛以晶盤香可采四月

十一因果奇掄指風流七百載先生使節半九州聲名直接眉

與涪衡山雲深開不得扶杖且作蒼溟遊我老無能慙赤子刀

圭何術起瘡瘡去年苦療今苦乾愁指醉人爲上瑞君不見劫

餘新州香荔無萌芽

新樹與亂後荔
毀伐殆盡

培灌猶復魚鱗加

灌魚鱗水
則荔旺

誰能毀棄糯米臍佳名嘉利擅閩浙絲兼茶男耕女織寰宇清異

物不貴呼韓邪絜園絜雖無可家太息滄海茫茫鷺粟花時嚴禁

鴉片屬植

Vertical columns of text, likely bleed-through from the reverse side of the page. The text is arranged in approximately 15 columns, reading from right to left. The characters are faint and difficult to decipher, but appear to be traditional Chinese characters. A small dark mark is visible near the bottom center of the page.

近代詩鈔

曾紀澤

紀澤字劼剛文正長子蔭生襲侯爵官至戶部侍郎諡

敏惠

銅梁山

連山壁立互銅梁屏障縈迴百里長隔樹羣峰排鳥翅插天蹬
道詘羊腸春深野草香無際泉近高田旱不荒浩蕩晴空雲霧
盡忽看衡嶽出蒼茫

七月七日遊元武湖荷華尙多望日重至凋謝盡矣賦呈
同遊諸君廉昉苦多睡前後遊皆不與并以調之

舞閣歌堂一炬空長蛇封豕十年雄揚塵東海時三變洗甲南
都日再中小艇獨凌千頃碧殘荷猶見萬花紅西風幾夜催零

近代詩鈔

曾紀澤

落百億蓮房餉醉翁

山頭旭日照君楊天未涼風吹我襟閨歲入秋無酷暑晴雲當
晝結層陰東關古渡名桃葉南國羣賢會竹林閉戶新詩如潑
水可能懸和樂遊吟

九日喜張廉卿至

碧桃成實海爲田一別先生十五年京國雍容寒月夜江湖邂
逅暮雲天品高黃菊花爭冷文老丹楓葉喻妍肥遯著書成幾
許開局吾與次韋編

香嚴書詢近况詩以代柬

去國中郎歸典屬漢廷無足重輕官不嫌牛耳先膝薛姑就龜
陰索鄆謹蛇蟺成功容蟹寄蝸鳩得意笑鵬搏褒誅袞鉞知誰
是清夜捫懷宇宙寬

湯小秋書詢近狀仍有詩次韵答之

閒愁壯志一身兼
照眼繁霜兩鬢添
朔漠飽嘗牛乳酪
王人饗有虎形鹽
秃毫作字師行儉
諧語成詩效子瞻
了卻簿書無一事
麝臍香篆繞螭匳

● 夢歸緝園成一律覺易數字錄存之

緝園閒地苦無多
亭榭參差碧澗阿
一面衡山當戶牖
數椽鄰屋繞坡陀
小橋止水通流水
連沼紅荷間白荷
林密淵深魚鳥樂
莫貪香餌戀新囿

近代詩鈔

張錫鑾

錫鑾字今頗浙江錢塘人官奉天都督有張都護詩存

甲午中秋前一日左冠廷軍門戰沒平壤詩以弔之

公諱寶貴

山東費縣人

屹屹孤城獨守難
祖邦西望客軍單
大同江上中秋月
長照英雄白骨寒

清明野望

亂後逢佳節
難爲塞上春
幽花開白骨
紅照陌頭人
一片斜陽裏
千聲野哭新
聽來腸欲斷
况是客中身

中秋無月

牢落天涯望止戈
和戎消息近如何
嫦娥未忍開明鏡
千里沙

場戰骨多

· 九日偕同人登鳳凰山

世路險如此山空任虎行孤松蟠地起亂石倚天生杯酒重陽
日烽煙兩國兵我來登絕巘海宇盼澄清

· 舟泊安陸

昔靈軍大破捻於此

戰地重經百感生扁舟獨繫楚王城十年回憶親戎陣萬里長
驅踏虜營禾黍已高驃騎壘波濤猶恣海門鯨湖山清靜吟懷
壯極目乾坤無限情

悼姬人癡吾

好色成吾累斯人豈偶然關山風雪裏隨我去籌邊
爲汝卜佳兆城東土一邱遠山橫黛色隔岸繞清流

近代詩鈔

羅志讓

志讓字耦廉江蘇丹徒諸生官知縣有億堂詩鈔

石遺室詩話咸豐庚申粵匪困京口君以諸生委辦團
練助當路城守五年城得獨完有自題秋林脫劍圖詩
句如白梅云春在初時羞絢爛花從空處著清奇借園
云十載種成松幹直幾人看取竹心虛夜坐云杜甫豈
能追稷契陶潛空自憶羲皇皆見清挺

記所見二首

手握單衫子將來浣釣磯餘香猶在水爲惜嫁時衣

裹尸行

觀察劉公廷英自募潮勇報國駐吾郡三載戰必身先

乙卯二月初四日劉公決戰受創歿作裏尸行

卓哉劉公今偉人意氣雄豪絕等倫獨率偏師來報國黃金脫
手輕灰塵麾下健兒多猛鷲劇賊當之皆引避身似猿猴習戰
場手搏豺狼獨生致昔日鄧公方潰兵紛紛道路委霓旌就中
何人能殿後兀然潮勇如長城劉公有子曾殲敵授命疆場殊
可戚祇今又見翁騎箕一家忠烈罹鋒鏑嗟爾曹蝮李志獨生
存淹淹牖下不堪論劉公父子真奇絕悽愴歌聲慰爾魂

題花下煎茶圖

花氣接雲雲接煙樵青煮茗草堂前卻看階下獨行鶴明日避
煙飛上天

咸豐十一年七月遇子嘉於雉皋客邸觀其所著春秋集
傳及三傳求歸等書因作是篇

顏子戴笠當驕陽扁舟來自秦南倉

鹽邑地名子嘉避寇居之

霜華滿鬢面

黧黑腰背偃僂兩目張手攜一册文字古云是春秋之筆如干
將我向燈前讀此本微言大義紛難詳公本談天炙輠才似海
立爲剖釋眉飛揚兵戈十載苦離邊頗疑經義多遺忘豈知儒
生有奇癖盲左公穀皆膏肓吾鄉見者詫迂怪年華雖老仍清
狂我生經學就蕪廢惟呼二子從公旁稍竊餘緒作後勁傳之
千載公彌彰嗚呼麟經之註有顏子寶貴當向屋壁藏後世冥
搜倘不到定教絲竹聞中堂

題山人壁

端居物外淨無氛來往時從麋鹿羣虛牖樹遮山一角幽軒竹
讓水三分穿簾直入有明月隔坐相看惟白雲若復世人來過
此好將短壁勒移文

西津權歌

鶴林古寺倚城南門小蒼松列十三一自圖成煙雨勝相傳米

芾是伽藍

米南宮有鷄
煙雨圖

戴公捨宅作招提斗酒雙柑手自攜泉石祇今留舊跡春來樹
樹有黃鸝

潤州城北水雲流潤州城南煙雨愁第一江山佳麗處芙蓉樓
與杜鵑樓

予姻狄君季崖羅致珍禽躬親飼餵繁音入耳如在深林

予因擇其最佳者題四絕句贈之

錄一

繁詞低訴翠簾櫳芳樹陰陰一色籠恰似綠衣年少子英奇長

侍主人翁

錄題


贈陸巡司博泉

工畫士女

粉墨圖成繪事工
筆牀茶竈舊家風
無端省識姜夔意
特向煙波寫小紅

、夜坐

孤燈相對思茫茫
細數深宵漏箭長
杜甫豈能追禹稷
陶潛空自憶羲皇
漫成歌曲難尋譜
偶作詩篇爲補亡
明日驅車風雪裏
寒雲收拾入奚囊



近代詩鈔

吳允徠

允徠字仲遠錢塘人

題畫

瀟瀟暮雨憶江鄉翠竹嫵娟枕簟涼欲覓小樓烟水外待君歸
去話滄桑

江南詞六首 錄一

城邊嫵嫵綠楊枝舞罷春風倦不支蝴蝶那知亡國恨江南又
是落花時

再題徑山游草後

李唐本有西齋錄

唐吳西齋目錄有

茗水同徵東甫公

吳東甫與沈

老輩清

才餘韻在一簾誰唱小玲瓏

尺玲瓏公曾有小玲瓏詞已佚

近代詩鈔

吳允徠

天府當年寶石渠
搜羅秘籍到蓬廬
小山樊榭皆吟侶
夢醒江湖笠澤漁

近代詩鈔

施山

山字壽伯浙江會稽人有通雅堂詩鈔

石遺室詩話壽伯同光開幕遊楚省交其賢豪長者詩
功不淺句如風曳白雲過北斗雁隨清露下東臯天如
有路開雲裏我欲移家住月中低冢年深平作路亂帆
壁立遠成村下馬喚渡正花發隔江看人無尺高衆賓
皆醉吾何醒流水長東客又西皆詩人之詩也

春日歸自陶堰

百花與孤客雨裏過清明野港生春水江颿帶晚晴漁歌煙外
杏雲勢鳥邊平不覺柴門近牆東老樹迎

村居

爐峯佛髻到門青修竹柯山水上亭屋側樓前雙槩去筍租時
節雨冥冥

原佛

東漢有明帝荒唐夢金神以何量短長而曰丈六身身心既寂
滅何又具精魂莊嚴聚百寶何處來金銀浮屠出西方閱世既
多年寧無經歷人班馬何未傳劉向見遺經小說不足論故知
象教興不在秦漢前或因武帝時驅兵事開邊軍中有才人窮
老絕生還風高百鳥哀霜天夜漫漫黃塵迷歸道不得夢鄉關
父母及妻子恩情忍拋捐百憂入沈痛一念迴豁然澄懷擴老
莊各道玄又玄豪端戲龍象高壓南華篇傳之傷心人藏之慈
悲天拔苦除煩惱當作如是觀如今闍黎徒猶出鰥寡間

孝婦吟

井序

湘陰某氏嫠以孤子貧不能娶念且絕夫嗣許醮某氏
索聘爲孤婚新婦入室得其故大驚請罄私蓄以償聘
留姑探囊則無有已憤甚赴水死嫠馳救亦死天忽雷
雨提姑婦出波殛盜於門跪而獻其金姑婦乃蘇此與
吳應達雁山集紀新寧小姑竊金事絕類天道有常如
此感而作詩

灼灼天桃花蕭蕭古柏樹新婦入門來孀姑出門去婦能贖姑
姑且留芙蓉繡囊壓枕頭囊中有金姑勿愁大索不得駭汗流
不能贖姑死卽休雨落天桃花風吹古柏樹孀姑入門來新婦
出門去姑亟持婦行且留婦已躍入門前流鴛鴦雙鞵閣石頭
翻身從救天爲愁甯有孝婦如此休雷神執盜劈其首跪獻囊
金捧在手孤兒得妻還得母東鄰媪媪貽衣裳西鄰老翁送羊

酒各各重來看新婦同室不覺穿窬時謂天蓋高天知之

襄江雜詩

寒水澄於秋見月如可嘗江魚停月上靜若盤中盛榜人有稚
子發語詩人驚青天張几席座客星縱橫

日晚泊孤洲村屋多破碎亦有三五家茅簷重新蓋云是秋汛
時大水沒牛背至今枯樹極猶著蝦蟹蛻居人不業漁流離出

為丐怕有壟斷人丈田議魚稅濱襄州縣多以漁租供田賦歲
修隄防按糧科費或欺隱則丈
其田畝以追之小民坐此益困
而豪強緣吏作奸往往免焉

福建糧儲道湖州趙忠節公景賢

銅馬馳我前青犢闖我後鐵脛我左赤眉右虻蟬蟻子斷我援
貪狼狼羊撓我守千總某開門責我疎防非我咎我官非官民
非民一奇男子賊識否嗚呼殺身更烈柴市叟孤城力障一年

久南斗北北斗南舍我趙公更誰某

冰淵山水畫册

何地青山竟隱淪盛名坎坷自纏身古來畫手知多少老住林

泉有幾人

册君有畫隱龕圖此
題曰溪山隱居

臥看江湖在上游年時多病有孤舟襄陽五月南風裏素壁青天漢水流

碧柳高槐夏日風南山當戶翠雲濃一邱一壑真堪老已喜吾廬畫裏逢

倚天絕壁自青孱空翠澄明映黛斑愛爾平生性高潔畫山什九畫秋山

題冰道人畫

橫峰盤鬱直峯挺峯峯隔斷白雲影一峯陡絕險欲崩人過圖

邊愁壓頂山迴路轉百木盛老楓彫霜竹柏靜人間苟有此奇
境懸崖結屋溪置艇燒丹煉石不得仙耕釣亦可延天年